

四庫全書

子部

欽定四庫全書

子部
證治準繩卷一百四

詳校官太醫院醫官_臣姜晟

編修_臣倉聖脈覆勘

總校官進士_臣朱 鈐

校對官助教_臣卜維吉

謄錄監生_臣樊宗清

欽定四庫全書

證治準繩卷一百四

明 王肯堂 撰

外科

久漏瘡

丹漏瘡須先服補藥以生氣血即參芪朮歸芎為主大劑服之外以附子末唾和作餅如錢厚艾炷灸炷隨漏之大小但灸令微熱不可令痛乾則易之乾者再研為

未再和再灸如困則止來日再灸宜至肉平為効亦有
用附片灸者仍以前血氣藥作膏藥貼之 婁經云肉
之大會為谷肉之小會為谿肉分之間谿谷之會以行
榮衛以會大氣邪溢氣壅脈熱肉敗榮衛不行必將為
膿內銷骨髓外破大膿留于節膝必將為敗積寒留舍
榮衛不養肉縮筋攣肘不得伸內為骨痺外為不仁命
曰大寒留于谿谷也此用附子灸者蓋此義也 時康
祖大夫患心漏二十年當胸數竅血液長流醫皆莫能

治或曰竅多則愈損閉則慮穴他岐當存其一二猶為
上策坐此形神困瘁又積苦腰痛行則偃僂不飲酒雖
雞魚蠃蛤之屬皆不入口淳熙間通判温州郡守韓子
溫見而憐之為檢聖惠方載腰痛一門冷熱二症眎之
使自擇康祖曰某年老久羸安敢以為熱始作寒症治
療取一方用鹿茸者服之逾旬痛減更覺氣宇和暢遂
一意專服悉屏他藥泊月餘腰屈復伸無復呼痛心漏
亦愈以告醫者皆莫能測其所以然後九年康祖自鎮

江通判滿秩造朝訪子溫則精力倍昔飲啖無所忌云
漏愈之後日勝一日子溫書吏吳弼亦苦是疾照方服
之決旬而愈其方本治腰痛用鹿茸去毛酥炙微黃附
子炮去皮臍皆二兩鹽花三分為末棗肉丸三十九空
心酒下 天聖中工部尚書忠肅公家有媼病漏十餘
年一日有醫過視之曰此可治也即取活鱖一竹針五
七枚乃擲鱖于地鱖因屈盤就盤以竹針貫之覆瘡良
久取視有白蟲數十如針著鱖即鉗置杯中蠕動如

線復覆之又得十餘枚如是五六醫者曰蟲固未盡然
餘皆小蟲請以常用藥傳之時得檳榔黃連一味即為
散傳之明日乃以乾艾作湯投白礬末二三錢先洗瘡
口然後傳藥蓋人血氣冷必假艾力以助陽而艾性亦
能殺蟲也如是者再即生肌不逾月愈醫曰瘡一月不
治則有蟲蟲能蠕動氣血亦隨之故瘡漏不可遽合則
結毒實蟲所為又曰人每有疾經月不痊則必虛憊婦
人則補脾血小兒則防驚疳二廣則并治瘡瘍由此醫

名大著 有人脚肚上生一瘡久遂成漏經二年百藥不効自度必死一山人見之云此鱉漏耳但以石灰二三升白沸湯泡薰洗如覺瘡痒即是也如其言用灰湯淋洗果痒三兩次遂乾 一婦項下忽生一塊腫漸緣至妳上腫起莫知何病偶用刀刺破出清水一碗日久瘡不合有道人見之曰此蟻漏也緣用飯誤食蟻得此耳詢之果然道人云此易治但用穿山甲數片燒存性灰為末傅瘡上遂愈蓋穿山甲蟻之畏也 柳休祖者

善卜筮其妻病鼠瘤積年不瘥垂命休祖遂卜得頤之
復按卦合得姓石人治之當獲鼠而愈也既而鄉里有
奴姓石能治此病遂灸頭上三處覺佳俄有一鼠逕前
而伏呼猫咋之視鼠頭上有三灸處遂差

梅師云經云腎移寒於脾發為癰腫少氣脾移寒於肝
發為癰腫拘攣又云諸寒癰腫此皆安生岐伯曰生於
八風之所變也又云地之濕氣感則害人皮肉筋脉聖
濟云衣服過厚表易著寒所得之源大抵如此或發不

變色或堅硬如石或捻之不痛久則然後變色疼痛漸軟而成膿如泔而稀久不能瘥瘡口不合變為疳漏敗壞肌肉侵損骨髓以致痿痺宜以此骨碎補丸主之

骨碎補丸方

骨碎補 補骨脂 熟地黃 川當歸 續斷

石楠葉 黃芪 石斛 牛膝 杜仲 萆薢

以上

各二兩 附子 炮一兩 白芍藥 兔絲子 川芎 沙參

羌活 防風 獨活 天麻 各一兩半 此方與大樓

方相表裏前桂枝拾遺後有木瓜兔絲子白朮

右為末煉蜜丸空心鹽湯下

元戎云邢三郎家小兒病寒疽久不愈先以四物穿山
甲湯透之復以地黃當歸湯補之繼以骨碎補丸外治
陽氣者精則養神柔則養筋開闔不得寒氣從之乃生
大瘻宜用

羌活 防風 細辛 附子 甘草 川芎

續斷 白芍藥 白朮 當歸 桂心 麻黃

黃芪 熟地黄 此方與前骨碎補丸相表裏

營氣不從逆于肉理乃生癰腫 陷脈為癭留連肉腠
腠氣化薄傳為善畏及為驚駭

桂附丸 治氣漏諸瘡

桂心

附子

炮製米醋中浸再
炮三五次去皮臍

厚朴

薑粉草炙

白朮

各一兩

木香

二錢半

乳香

研二錢

右為細末煉蜜丸如桐子大空心米飲下二三十丸
丹溪云精要治冷漏諸瘡與桂附丸此冷只因瘡久

不合風冷乘之血氣不潮而成也厚朴雖溫其瀉衛尤速恐不若參芪佐以陳皮庶乎與病情相得此方治冷漏瘡若寒而虛者只以加味十全湯隨時令經絡加減用之為當又虛甚者宜參朮歸芪膏

陷脈散 治漏瘡及二三十年癭瘤或大如盃盂久久不瘥致有漏潰令人骨肉消盡或堅或軟或潰令人驚惕臥寐不安體中掣痛愈而復作

乾薑

炮

琥珀

研

大黃

附子

炮去皮各一兩

丹參

七錢半

石硫黃

研

白石英

研

鍾乳粉

研

烏鰂骨

研

各半兩

右為末，貯以甌合，韋囊勿令泄氣。若瘡濕，即傳無汁，即煎豬脂和傅之，以乾為度。或死肌不消，加芒硝二兩，益佳。一法：胡燕窠一枚。

丹治漏瘡

川芎

半兩

細辛

二錢半

白芷稍

二錢半

甘草

細末

右每日作湯服。上瘡食後下瘡食前。看瘡孔大小，用隔年黃麻根刮去粗皮，槌軟，撚成繩子，撚入孔中，至

不可入則止日淺一日瘡用好膏藥貼之

子和小渠袁三因強寇入家傷其兩脰外臙作瘡數年
不已膿汁常涓涓然但飲冷則瘡間冷水浸淫而出延
為濕瘡求治戴人曰爾中焦當有綠水二三升涎數掬
袁曰何也戴人曰當被盜時感驚氣入腹驚則膽傷足
少陽經也兼兩外臙皆足少陽之部此膽之甲木受邪
甲木色青當有綠水少陽在中焦如漚既伏驚涎在中
焦飲冷水咽為驚涎所阻水隨經兩旁入瘡中故飲水

瘡中水出乃上湧寒痰汗如流水次下綠水果二三升
一夕而痂乾真可怪也

嘗治足膝下至踝漏瘡通足腫大於好足二倍行步不
全用五龍九大下之者六番每番皆五七行下後用黃
壁蒼朮茂芎地黃甘草升麻葛根南星半夏牛膝滑石
桂調之三四個月而安

本草治漏有頭出膿水不止以啄木鳥一隻燒灰酒調
服一錢匕立瘥

東垣云瘡醫自幼至老凡所經驗必須寫之嘗記疔瘻惡瘡諸藥不効者取蟻螬剪去兩頭安瘡口上以艾炷灸之七壯一易不過七枚無不効者又法用乞火婆蟲兒灸之同前法累驗神効人皆祕之往往父子不傳取附骨久疽及痔漏中管方

取黑骨雞脰骨上等礞實之鹽泥固濟火煨通紅取出地上出火毒去鹽泥用骨研細飯丸如粟米大以紙撚送入孔竅內更用膏藥貼之

本事雄黃治瘡瘍尚矣周禮瘍醫凡療瘍以五毒攻之
鄭康成注云今醫方有五毒之藥作之用黃堇置石膽
丹砂雄黃礬石磁石其中燒三日三夜其烟上著以雞
羽取之以注創惡肉破骨則盡出楊大年嘗記其事族
人楊偶年少時有瘍于頰連齒輔車外腫若覆甌肉潰
出膿血不輟吐之痛楚難忍療之百方彌久不瘥人語
鄭法依法製藥成注之瘡中少頃取朽骨連兩牙潰出
遂愈信古方攻病之速也黃堇即瓦盒也

豬骨膏 治諸瘡口氣冷不瘥

豬筒骨

二筒取髓

松脂

二錢通明者研

乳香

另研黃連為末

白芨

研末各二錢半

鉛丹

別研黃蠟各半兩

右搗研鎔蠟和為膏不拘時傳之

附子散 治冷瘡日夜發渴疼痛

附子

半兩炮去皮臍

川椒

去目

雄黃

研細各二錢半

白礬

七錢半火煨研

膩粉

二錢研

為細末研勻每用清麻油調傳瘡上

雄黃散 治冷瘡煖瘡口

雄黃

研

百合

乳香

黃檗

炙去粗皮

牆上爛白蜆殼

小蚌蛤子是各一分

右為細末研勻先用漿水煎甘草柳枝湯溫洗拭乾

傳之

黑靈散

治漏瘡

牡蠣粉

號丹

硫磺

研各一分

露蜂房

剉二分

右同炒令烟盡為細末入髮灰一分麝香少許和勻

傳之

馬齒莧膏 治一切瘻

馬齒莧

陰乾

臘月燭燼

各等分一作臘月鼠灰

右為細末以臘豬脂和先以溫泔清淨洗拭乾然後以藥傳之日三

治脇下生漏瘡如牛眼之狀膿水不止

右以鹽少許安白牛耳內然後取牛耳中垢以傳瘡上即瘥如不用鹽即牛耳不痒難取垢

治諸瘡久不合口用炮附子去皮尖為細末唾津和隨

瘡大小作餅置患處用艾壯於餅上灸之更用大補氣血藥用江西豆豉為餅多灸之亦効

神應膏 宋褚防禦治理宗久漏瘡諸方不効獨此膏

愈之如腸毒胃毒為九服之神効

當歸

一兩一錢

赤芍藥

大黃

各一兩五錢

香白芷

官桂

各一兩

玄參

一兩三錢

川續斷

二錢

莪朮

一兩

生地黄

一兩二錢

右九味細剉用真香油二斤浸春五日夏三日秋七日冬十日入鍋內以文武火煎令黑色濾去渣如熟

天用黃丹廿兩冷月十五兩旋旋下丹不住手攪試
水中沉為度不可令婦人雞犬見如漏有孔者以膏
送入孔內外以膏攤貼之

檳榔散

治癰疽瘡癰膿潰之後外觸風寒腫焮僵硬

膿水清稀出而不絕肉腠空虛惡汁臭敗瘡邊干及

好肌不生及療疔瘻惡瘡浸漬不斂

方見潰瘍斂瘡口藥即木香檳

榔黃連等分
為末是也

治漏外塞藥

礬甘石

童便
煨淬

牡蠣粉

石為極細末傳之

烏金散

貼惡瘡疔瘻

橡斗子二個一實黃丹一實白礬末相合定用黑
俏麻皮纏了火內燒研細加麝少許洗淨瘡貼之

東垣截疔散 治年深疔瘻瘡

黃連

麝香

另研龍腦各半兩

蜜陀僧

黃丹

白芨

白歛

各一兩一錢

輕粉

一錢

右為細末和勻乾摻在紐上以膏貼之

應効散

又名托裏散

治氣癰疔蝕瘡多年不効者

地骨皮

不拘多少冬月取只要皮陰乾

為細末每用紙撚蘸紐

瘡口內自然生肉更用米飲調二錢無時服日三

治漏瘡以五倍子末和血竭末塞之

灸漏瘡

足內踝上一寸

灸三壯六壯

如在上者肩井

鳩尾

肺脈微緩為痿癰緩者多熱

癰疽所兼諸證

渴

大法瘡瘍作渴不問腫潰但脈數發熱而渴用竹葉黃
芪湯脈不數不發熱或脈數無力而渴或口乾用補中
益氣湯若脈數便秘用清涼飲尺脈洪大按之無力而
渴用加減八味丸若治口燥舌黃飲水不歇此丸尤妙
薛瘡瘍作渴若焮痛發熱便利調和者上焦熱也用竹
葉石膏湯腫痛發熱大便秘澀者內臟熱也用四順清

涼飲炊腫痛甚者熱毒蘊結也用仙方活命飲漫腫微
痛者氣血虛壅也用補中益氣湯若因胃火消燦而津
液短少者用竹葉黃芪湯若因胃氣虛而不能生津液
者用補中益氣湯若因胃氣傷而內亡津液者用七味
白朮散若因腎水乾涸作渴或口舌乾燥者用加減八
味丸或先口乾作渴小便頻數而後患疽或疽愈後作
渴飲水或舌黃乾硬小便數而疽生者尤惡候也苟能
逆知其因預服加減八味丸補中益氣湯以滋化源可

免後患

丹癰疽發渴乃氣血兩虛用參芪以補氣歸地以養血
或忍冬九黃芪六一湯

伍氏云瘡作渴甚急與神仙追毒丸取下惡毒清膿湯
千金漏蘆湯五香連翹湯六味車螯散萬金散皆可選
用利後仍渴却用生津補氣藥津液生氣血完渴自止

丹溪曰大渴而與利藥非明示脈證何以知其當下
後言利後仍渴却用補藥又不明言脈證恐是但有大

渴必下下後尚渴方與補藥古人治未病如此用藥可
乎況渴屬上焦當腫瘍時猶或可用若潰瘍後渴多因
氣血之虛何待利後方議其虛也 精要口乾與口渴
不同不宜用丹藥鎮隆用之其禍如反掌用桑枝煎五
味湯以救陰水 丹溪曰此妙方也而不言食味起火
怒氣生火房勞激火吾恐渴亦未易除也

李氏云病疽愈後發渴多致不救惟加減八味丸最妙
蓋癰疽多因虛而得疽安而渴者服此丸則渴止安而

未渴者服此九永不發渴或未疽而先渴者服此不惟渴止而疽亦不作 薛氏曰前證屬腎水枯涸虛火上

炎口乾作渴飲水無度或舌黃作裂小便頻數或痰氣上壅煩躁不寧或二三年先作渴飲水或口舌生瘡兩足發熱痰氣上壅或瘡愈三四年而口乾作渴小便頻數急用前藥多有復生者能逆知其因預服前九可免此患若兼手足厥冷真陽虛也宜服八味九大凡瘡後審其腎水不足用加減八味九中氣虛弱用補中益氣

湯氣血虛弱用十全大補湯陽氣虛寒加薑桂如不應
用八味丸

托裏消毒散加減法 飲冷作渴熱毒也加赤小豆知

母如不應暫用竹葉黃芪湯 善食作渴胃火也加

石膏山梔天花粉如不應暫用竹葉石膏湯 食少

體倦作渴胃氣虛也去芷翹金銀花加人參白朮如

不應暫用補中益氣湯 膿多而作渴氣血虛也去

三味加熟地黃五味子 如不應暫用十全大補湯

加五味子麥門冬 口乾舌燥腎氣虛也去三味加

熟地黃山茱萸山藥如不應兼六味丸又不應佐以

補中益氣湯 自汗內熱口乾胃氣虛也去三味加

參芪歸朮如不應暫用六君子湯 盜汗內熱口乾

陰血虛也去三味加熟地黃麥門冬五味子如不應

暫用當歸六黃湯

竹葉黃芪湯

神秘

治癰疽大渴發熱或瀉或小便如淋

生地黃

黃芪各二錢

當歸

酒拌

淡竹葉

川芎

甘草炙 黃芩炒 白芍藥炒 人參 括萎根 石膏

煨各一錢 麥門冬去心二錢 水二鍾薑三片煎八分食遠

服

薛氏曰前證乃七惡中之一也此方治之其功甚捷亦左手脈浮大而熱或渴者宜發散表邪右手脈沉實而熱或渴者宜疎去內邪若潰後作渴或小便如淋或脈大而無力者屬氣血虛也宜大補氣血亦有潰後熱不止或作渴遂以為敗證不治若素有胃火

或胃經熱毒未盡胃脈尚數者仍宜用前湯服而脈
反大熱愈甚渴愈作斯為敗證蓋因真氣虛而邪氣
實也今之潰瘍畏石膏黃芩二藥性冷多不肯服若
胃脈未靜非此藥莫能治也若因循日久煎熬氣血
膿血愈多氣血愈虛反成敗證矣治者當捨證從脈
可也大抵瘡瘍之證七惡內見一二惡甚可畏虛中
見惡證者不治實證無惡候者自愈

托裏黃芪湯 治證同前

黃芪

炒六錢

甘草

炙

枯薑根

錢各一

水二鍾煎八分

頻服之加人參一錢尤妙

薛氏曰愚用此方治氣虛作渴甚効若氣血俱虛或
膿血大泄作渴或兼發熱者宜托裏養榮湯

托裏養榮湯

人參

黃芪

炙

當歸

酒拌

芍藥

炒

熟地黃

麥門冬

去心川芎

白朮

錢各一

五味子

研

炙甘草

錢各五

水

二鍾薑三片棗二枚煎八分食遠服

黃芪六一湯

常服終身可免癰疽實治渴補虛之要

劑也

綿黃芪

六兩用淡鹽水潤飯上蒸焙乾

甘草

一兩一分生一半炙

每劑一

兩水二鍾煎八分食遠服

或為細末每服二錢

早晨日午白湯調服 加人參尤妙

七味白朮散

治胃氣虛或因尅伐或因吐瀉口乾作

渴飲食少思

白朮

茯苓

去人參

各七錢

甘草

炙一兩半

木香

二錢半

藿香葉

半兩
葛根一兩

右為細末每服三五錢白湯調下

竹葉石膏湯

治癰疽胃火盛腫痛作渴

淡竹葉

石膏

桔梗

木通

薄荷

甘草

炙

右薑水煎服

玄參散

治癰疽成膿水不能下食心煩口乾煩渴飲

水多四肢羸瘦

玄參

黃連

去鬚

土瓜根

麥門冬

去心

赤芍藥

白鮮皮

各一兩

升麻

七錢半

火麻仁

川朴硝

川大黃

剉炒各一兩半

右剉每服三錢水一中盞入生地黄一分細切同煎至六分去滓不拘時溫服

葛根散 治癰腫熱盛口乾煩渴或時乾嘔

葛根

黃芪

升麻

麥門冬

去心

瓜蒌根

赤芍

藥 梔子仁

生地黄

各一兩

黃芩

七錢半

甘草

生用

兩

右剉每服四錢水一中盞煎六分去滓無時溫服

乾葛飲 治發背作渴

黃芩

朴硝

各一兩
二錢半

乾葛

一兩

右剉散每服三錢用枇杷葉去背上白毛淨洗同煎不拘時服

忍冬丸 治渴疾既愈預防發疽先將忍冬草入瓶內後入無灰酒微火煨一宿取出晒乾少加甘草俱為末又以所浸餘酒調糊丸如梧桐子大每服六七十丸溫酒下又治五痔諸癭

桑枝方 治口渴取嫩桑枝細切一升炒以水三升煎一升日服五七劑更多尤妙抱朴子云療風痺乾燥臂痛脚氣四肢拘攣上氣眩暈久服補肺消食利小便輕身聰明令人光澤其功不能盡述薛氏曰桑枝補血氣生津液輕身明目補肺腎之良劑也

五味子湯 治腎水枯涸口燥舌乾

黃芪炒三兩 人參二兩 五味子 麥門冬去心各一兩 粉甘

草炙五錢 每服五錢水煎日夜服五七劑

薛氏曰此方乃六一湯生脈散之複方滋化源之良

劑若腎水既涸虛火上炎而口燥作渴者須佐以加

減八味丸

加減八味地黄丸

懷慶地黄

肥大沉水者酒洗淨磁盤盛之大砂鍋內竹棒架起湯浸過盤底原蓋蓋之濕

紙糊縫勿令泄氣以火從已至酉蒸之候冷取出晒極乾秤准八兩重再如前法蒸之乘熱杵爛入

藥

乾山藥

山茱萸肉

五味子

各四兩

牡丹皮

白茯苓

澤瀉

酒浸蒸焙各三兩

肉桂

二兩

右各另為末入地黃和勻加煉蜜丸如梧桐子大每服七八十九空心食前白湯下

李氏曰一貴人病疽未安而渴作日飲水數升予用前方諸醫大笑云此藥若能止渴我輩不復業醫矣仍用木瓜烏梅百藥等煎渴愈甚不得已用此丸三日渴止久服氣血益壯飲食加倍

嘔

大法精要云嘔逆有二證一證謂初發不曾服內托散

伏熱在心一證謂氣虛脾氣不正其伏熱在心者與內
托散三兩貼氣虛者宜嘉禾散有寒熱宜正氣散兼與
山藥丸以補腎 丹溪曰諸逆衝上嘔噦皆屬於火內
托散性涼固有降火之理若嘉禾散補力已少徒溫煖
以助火耳山藥丸補腎以壯下焦之陰粗為近理然治
嘔須分先後腫傷時當作毒氣上攻治之潰瘍後當作
陰虛治之若年老因疽潰後嘔逆不食者宜參芪白朮
膏峻補取効佐使藥隨時隨證加減恐用山藥丸緩急

未易得力河間謂瘡瘍嘔者濕氣侵胃也藥中宜倍加
白朮

薛瘡瘍作嘔不可泥於毒氣內攻而概用敗毒等藥如
熱甚熾痛邪氣實也仙方活命飲解之作膿熾痛胃氣
虛也托裏消毒散補之膿熱脹痛氣血虛也先用托裏
散後用針以泄之熾痛便秘熱蘊於內也內疎黃連湯
導之若因寒藥傷胃而嘔者托裏健中湯胃寒少食而
嘔者托裏益中湯中虛寒涼而嘔者托裏溫中湯肝木

乘脾土而嘔者托裏抑清湯胃脘停痰而嘔者托裏清
中湯脾虛自病而嘔者托裏益黃湯鬱結傷脾而嘔者
托裏越鞠湯若不詳究其源而妄用攻毒之藥則腫者
不能潰潰者不能斂矣丹溪雖曰腫瘍當作毒氣攻心
治之潰瘍當作陰虛治之亦大概之言耳今之熱毒內
攻而嘔者寡脾胃虛寒而嘔者多豈可膠柱而鼓瑟哉
又曰欲嘔作嘔或外搽內服寒涼或痛甚或感寒邪
穢氣而嘔皆胃氣虛也托裏消毒散去三味加藿香倍

參朮

熱盛脈數精要與漏蘆湯單煮大黃湯等若不甚熱脈
緩弱只投五香連翹湯 丹溪曰熱盛脈數若腫瘍時
藏府秘而體實者猶可與也若潰瘍膿血出多熱盛脈
數去死為近豈可下乎緩弱之脈古人皆以為邪毒已
散五香之飛走升散其可用乎

李氏云癰疽嘔逆是毒氣衝心非脾胃之冷當服內托
散楊氏云鼻衄初愈不會表汗毒在經絡則背發大疽

自肩下連腰脇腫硬如石其色紫黑以涼藥投之終夜
大嘔連進內托散嘔止瘡潰赤水淋漓四十日而愈又
有患癰者痛過徹嘔服此即止今有病疽不服此藥者
故引楊氏之言以解世人之惑

丹溪治一老人年七十患背疽徑尺餘已雜與五香十
宣數十貼膿血腥穢嘔逆不食者旬餘病人自服內托
散膈中不安且素有淋病三十年今所苦者淋之痛與
嘔吐不得睡而已急以參芪歸朮煮膏以牛膝湯入竹

瀝飲之三日後盡藥一升半淋止思食七日後盡藥四
斤膿自涌出而得睡又兼旬而安 一男子年六十餘
性好酒肉背疽見膿嘔逆發熱蓋其得內托十宣多矣
醫以嘔逆於嘉禾散中加丁香以溫胃行氣時七月大
熱脈洪數有力予因謂此脈證在潰瘍尤忌然形氣實
只與人參膏和竹瀝飲之盡藥十五斤竹百餘竿而安
予曰此病幸安也不薄味必再作仍厚味自若夏月醉
後坐水池中又年餘左脇傍生一軟塊如餅二年後軟

塊為疽本人見膿血淋漓而脈洪數有力又嘔逆食少
遂自以人參膏入竹瀝飲之又十餘斤百餘竿而安今
八十歲強健如舊此病兩以老年氣血弱專服人參竹
瀝而愈若與內托十宣恐未能若是之安全也 婁全
善治一男子腫瘍嘔諸藥不止用獨參湯一服嘔即愈
薛新甫治一人腹癰焮痛煩躁作嘔脈實河間云瘡瘍
者火之屬須分內外以治其本若脈沉實者先當疎其
內以絕其源又云嘔噦心煩脈沉而實腫硬木悶或皮

肉不變邪氣在內宜用內疎黃連湯治之遂用前湯通利二三行諸證悉去更以連翹消毒散而愈 一人患臂毒焮痛作嘔服托裏消毒藥愈甚以涼膈散二劑頓退更以四物湯加芩連四劑而消

新甫又治一人年踰四十患發背已潰忽嘔而瘡痛胃脈弦緊彼以為餘毒內攻東垣云嘔吐無時手足厥冷臟腑之虛也丹溪云潰後發嘔不食者濕氣侵於內也又云膿出而反痛此為虛也今胃脈弦緊木乘土位其

虛明矣欲以六君子湯用酒炒芍藥砂仁藿香治之彼
自服護心散嘔愈甚復邀治仍用前藥更以補氣血藥
兩月而愈大抵濕氣內侵或感穢氣而作嘔者必喜溫
而脈弱熱毒內攻而作嘔者必喜涼而脈數必須辨認
明白

橘半胃苓湯 治癰疽嘔吐不下食不知味

橘紅 半夏薑製各一錢 蒼朮未泔浸炒 白朮炒 厚朴薑製

甘草炙 茯苓 人參 澤瀉 茅根各二錢 薑汁數匙

水二鍾煎一鍾入薑汁煎一二沸作十餘次飲之
薛氏曰前證七惡中之五惡也用此方後胃氣將
醒宜用六君子湯兼服之亦有煩躁飲冷不食脈
沉實而嘔者恐不可用此宜內疎黃連湯

方見
腫瘍

加減托裏消毒散 治瘡瘍欲嘔作嘔或外搽內服寒

涼或痛甚或感寒邪穢氣而嘔皆胃氣虛也去白芷

連翹金銀花加參朮藿香

方見腫瘍
內托條

托裏健中湯 治瘡瘍元氣素虛或因涼藥傷胃飲食

少思或作嘔瀉等證

人參

白朮

茯苓

各二錢

半夏

炮薑

各一錢

炙甘草

五分

黃芪

一錢

五分

肉桂

三分

右薑棗水煎服

托裏益中湯

治中氣虛弱飲食少思或瘡不消散或

潰而不斂

人參

白朮

陳皮

半夏

茯苓

炮薑

各一錢

木香

炙甘草

各五分

右薑棗水煎服

托裏抑青湯 治脾土虛弱肝木所侮以致飲食少思

或胸膈不利等證

人參 白朮

茯苓

半夏

各一錢

芍藥

柴胡

五分

甘草

五分

陳皮

一錢

右薑棗水煎服

托裏清中湯 治脾胃虛弱痰氣不清飲食少思等證

人參 白朮

陳皮

茯苓

各一錢

半夏

八分

桔梗

七分

甘草

分五

右薑棗水煎服

托裏益黃湯 治脾土虛寒水反侮土以致飲食少思

或嘔吐泄瀉等證

人參 白朮 陳皮 茯苓 半夏

錢各一

炮薑

丁香 炙甘草

分各五

右薑棗水煎服

托裏越鞠湯 治六鬱所傷脾胃虛弱飲食少思等證

人參

白朮

各二錢

陳皮

半夏

各一錢

山梔

川芎

香附米

蒼朮

各七分

炙甘草

五分

右薑棗水煎服

人參理中湯

治瘡瘍脾胃虛寒嘔吐泄瀉飲食少思

肚腹作脹或胸膈虛痞飲食不入

白朮

人參

乾薑

甘草

炙各等分

右薑棗水煎服

痛

夫瘡瘍之證候不同寒熱虛實皆能為痛止痛之法殊非一端世人皆謂乳沒可以止痛殊不知因病制宜自有活法故因熱而痛者以寒涼之劑折其熱則痛自止也因寒而痛者以溫熱之藥慰其寒則痛自除也因風而痛者除其風因濕而痛者除其濕燥而痛者潤之塞而痛者通之虛而痛者補之實而痛者瀉之膿鬱而閉者開之惡肉侵潰者引之陰陽不和者調之經絡滯澀者利之憂愁者遠志酒飲之虛寒而痛者乳香沒藥止

之大抵癰疽不可不痛不可大痛若大痛悶亂者危
薛新甫云瘡瘍之作由六淫七情所傷其痛也因氣血
凝滯所致假如熱毒在內便秘而作痛者內疎黃連湯
導之熱毒熾盛焮腫而作痛者黃連解毒散治之不應
仙方活命飲解之瘀血凝滯而作痛者乳香定痛散和
之作膿而痛者托裏消毒散排之膿脹而痛者針之膿
潰而痛者補之若因氣虛而痛四君加歸芪血虛而痛
四物加參芪腎虛而痛六味地黃丸口乾作渴小便頻

數者加減八味丸此皆止痛之法也

托裏消毒散加減法 若高腫焮痛熱毒也加黃連漫

腫微痛氣虛也去金銀花連翹加參朮 腫赤作痛

血凝滯也加乳香沒藥如不應暫用仙方活命飲

膿出反痛氣血虛也去金銀花連翹白芷加參芪歸

地 漫腫不痛或死肉不潰脾氣虛也去三味加人

參白朮如不應加薑桂更不應急加附子

癰疽膿血大泄敗臭痛甚宜用黃芪人參湯

黃芪人參湯

人參

蒼朮

米泔浸炒

白朮

炒

陳皮

麥門冬

去心

當歸

酒拌神麴

炒

甘草

炙

五味子

杵各一錢

黃芪

炙二錢

黃檗

炒

升麻

各四分

作一劑水二鍾薑三片棗二枚煎八

分食遠服

薛按前證七惡中之二惡也宜此方治之亦有潰後虛而發熱或作痛少寐尤效若痛少止大便不實黃檗麥門冬可不用蓋恐寒中也凡瘡膿潰之後若脈

洪大則難治自利者不治

癰疽大痛不止宜用加味解毒湯

加味解毒湯

黃芪

鹽水拌炒

黃連

炒

黃芩

炒

黃檗

炒

連翹

當歸

酒拌

各七分

甘草

炙

白芍藥

梔子仁

炒各一錢

作一劑水

二鍾煎八分服之藥下痛即止

按此方若脈洪大按之有力者用此解之其功甚捷
亦有便秘脈實而痛者宜用內疎黃連湯下之若潰

而反痛者宜用內補黃芪湯補之

內補黃芪湯

黃芪

鹽水拌炒二錢

熟地黃

酒拌

人參

茯苓

甘草

炙各五分

芍藥

炒

川芎

官桂

遠志

去心炒

當歸

酒拌各八分

麥門冬

去心五分

作一劑水一鍾半薑三片棗二枚

煎六分食遠服

當歸和血散

治瘡瘍未發出內痛不可忍及治婦人

產前產後腹痛

當歸

二錢乳香

半錢沒藥

一錢

白芍藥

三錢

右為細末每服一錢水一中盞煎七分和滓溫服日
二婦人酒煎瘡既發不須用瘡痒者加人參木香婦
人服之加赤芍藥

迴瘡金銀花散

治瘡瘍痛甚色變紫黑者

金銀花

連枝葉俱用
剉研二兩

黃芪

四兩甘草一兩

右咬咀用酒一升同入壺瓶內閉口重湯煮三兩時
辰取出去滓頓服之一方無黃芪

郭氏定痛托裏散 治一切瘡腫疼痛不可忍如少壯氣充實先用疎利後服此藥

粟殼

去蒂炒二兩

當歸

白芍藥

川芎

各半兩

乳香

沒藥

桂

各三錢

右㕮咀每服五錢水煎

乳香止痛散 治一切瘡腫疼痛不止

粟殼

六兩製

白芷

三兩

甘草

炙

陳皮

各一兩半

乳香

沒藥

各一兩丁香

右吹咀每服三錢水一盞半煎

乳香黃芪散

治一切惡瘡癰疽發背疔瘡疼痛不可

忍者或未成者速散已成者速潰敗膿不假力砭其惡肉自下及治打撲傷損筋骨疼痛

黃芪

去蘆

當歸

酒洗

川芎

麻黃

去節根

甘草

生用

芍藥

人參

去蘆

栗殼

各一兩蜜炒

乳香

另研

沒藥

各五錢另研

陳皮

一兩

右為細末每服三錢水一盞煎至七分去渣溫服如瘡在上食後在下食前服之

人參內托散 治瘡瘍潰膿而作痛者

人參 黃芪 當歸 川芎 厚朴 防風

桔梗 白芷 官桂 紫草 木香 甘草

右入糯米一撮水煎服

乳香丸 治發背及一切疽瘡潰爛痛不可忍

乳香 研別 沒藥 研別 羌活 五靈脂 獨活 各三錢 當歸

真茶豆粉 交趾桂 川白芷 白膠香 各半兩

右為細末煉蜜和丸如彈子大每服一九細嚼薄荷

湯送下手足損痛不能起者加草烏用木瓜鹽湯送

下

乳香定痛散

治一切瘡瘍潰爛疼痛

乳香

沒藥

各五分

滑石

寒水石

各一兩

冰片

錢一

右為細末擦患處痛即止 敷藥中加南星半夏能止痛更加蓖麻仁尤佳

豆豉餅

治瘡瘍腫痛硬而不潰及潰而不斂并一切

頑瘡惡瘡用江西豆豉餅為末唾津和作餅子如錢

大厚如三文置患處以艾壯於餅上灸之乾則易之
如背瘡用漱口水調作餅覆患處以艾鋪餅上灸之
如未成者即消已成者亦殺其大毒如有不効氣血
虛敗也

乳香膏 治諸瘡痛久不瘥

乳香一兩研 食鹽 松脂 杏仁去皮尖研

生地黄取汁二合 白羊腎脂半斤 黃蠟三兩

右先熬脂令沸下杏仁地黄汁蠟煎候蠟鎔盡入香

鹽松枝煎以柳箒攪令勻稀稠得所磁盒盛傳瘡上

日三二度

又乳香膏

木鱉子

去殼細對

當歸

各一兩

柳枝

一尺八寸對碎以清油四兩煎令黑色次

用乳香

沒藥

各半兩

白膠香

明淨者四兩同研細入油煎化用綿子濾

之

右煉藥鐵銚令極淨再傾前藥油蠟在內候溫入黃丹一兩半以兩柳枝攪極得所再上火煎不住手攪

候油沸起住攪注在水中成珠不散為度秋冬欲軟
春夏欲堅傾在水中出火毒搜成劑收之

戴院使云有不傳藥時大痛傳即不痛有不傳藥不痛
傳之則痛蓋寒熱風濕并憂怒等氣積而內攻則痛不
禁藥拔出之故不痛也死血陰毒在中愈伏愈深愈不
覺痛藥發之於外故反痛也

出血

薛瘡瘍出血因五臟之氣虧損虛火動而錯經妄行也

當求其經審其因而治之若肝熱而血妄行者四物炒
梔丹皮苓朮肝虛而不能藏血者六味地黃丸心虛而
不能主血者四物炒連丹皮苓朮脾虛熱而不能統血
者四君炒梔丹皮若脾經鬱結用歸脾湯加五味子脾
肺氣虛用補中益氣加五味子氣血俱虛用十全大補
陰火動用六味丸加五味子大凡失血過多見煩熱發
渴等證勿論其脈急用獨參湯以補氣經云血生於氣
苟非參芪歸朮甘溫等劑以生心肝之血決不能愈若

發熱脈大者不治凡患血症皆當以犀角地黃湯為主
翰林屠漸山年四十患濕毒瘡疾誤用輕粉之劑虧
損元氣久不能愈一日將晡之際診之肝脈忽洪數而
有力余曰何肝脈之如此侵晨瘡出黯血三四碗體倦
自汗雖甚可畏所喜血黯而脈靜余曰此輕粉之熱血
受其毒而妄行輕粉之毒亦得以泄邪氣去而真氣虛
也當急用獨參湯主之余重其為人體恤甚篤但惑於
他言不果致邪氣連綿不已惜哉 一人背瘡出血煩

躁作渴脈洪大按之如無此血脫發躁用當歸補血湯
二劑少愈又以八珍加黃芪山梔數劑全愈 一婦人
潰後吐鮮血三碗許余用獨參湯而血止用四君熟地
芎歸而瘡愈此血脫補氣陽生陰長之理也若用涼血
降火沉陰之劑脾土生氣復傷不惟血不歸源而死無
疑矣 一老婦手大指患疔為人針破出鮮血手背俱
腫半體皆痛神思昏憤五日矣用活命飲始知痛在手
瘡勢雖惡不宜大攻再用大補劑又各一劑外用隔蒜

灸喜此手背赤腫而出毒水又各一劑赤腫漸潰又用
托裏藥而瘡 南儀部賀朝卿陞山西少叅別時余見
其唇鼻青黑且時搔背問其故曰有一小瘡耳余與視
之果疽也此脾胃敗壞為不治之證余素與善悲其途
次不便殯斂遂托其僚友張東沙輩強留之勉與大補
但出紫血虛極也或謂毒熾不能為膿乃服攻毒藥一
鍾以致嘔逆脈脫果卒於南都 僉憲張碧崖腰患疽
醉而入房脈洪數兩尺更大余辭不治將發舟其子強

留頃間吐鼻血五六椀余意此腎經虛火而血妄行血
必從齒縫出將合肉桂等補腎制火之藥各用確別煎
熟聽用血止拭齒視之果然遂合一鍾冷服之熱渴頓
止少頃溫服一鍾脈細欲脫氣息奄奄得藥則脈少復
良久仍脫其子疑內有膿欲刺之余曰必無乃以鵝翎
管絀內果如余言次日脈脫脚寒至膝腹內如冰急用
六君加薑附腹始溫膿始潰瘡口將完彼因侍者皆愛
妾又患小便不通此陰已痿而思色以降其精精內敗

不出而然耳用加減八味丸料加參芪白朮一劑小便雖愈瘡口不斂而沒

東垣聖愈湯 治諸惡瘡血出不止以寒水石細末摻之立止或瘡時間作黑色不可潰也藥力去盡却紅和如血出多而心煩不安不得眠睡此亡血也此湯主之

熟地黄 生地黄 各三錢
當歸身 一錢半
川芎 二錢

黃芪 五錢
人參 三分

右呔咀都作一服水一盞半煎至一盞去滓稍熱服

無時

按此方參芪與歸地輕重懸殊必有訛也

濟生犀角地黄湯 治胃火血熱妄行吐衄或大便下

血者

犀角

鎊末

生地黃

赤芍藥

牡丹皮

各一錢半

升麻

黃芩

炒各一錢

右水煎熟入犀角末服

若因怒氣而致加山梔柴胡若脾氣虛而不能攝用

歸脾湯若肝脾火動而妄行用加味逍遙散若脾氣虛而不能統用補中益氣湯加炮黑乾薑若血虛有火而妄行用四物加炮薑若腎經虛火而血妄行用六味九料不應急加肉桂以引虛火歸源

獨參湯 治一切失血或膿水出多血氣俱虛惡寒發熱作渴煩躁蓋血生於氣故血脫補氣陽生陰長之理也用人參二兩棗十枚薑十片水煎徐徐服

托裏消毒散加減法 膿多帶赤血虛也去金銀花連

翹白芷三味加歸地參朮如不應暫用八珍湯加牡
丹皮 忿怒晡熱而出血肝火血虛也去三味加牡
丹皮炒黑山梔熟地如不應暫用八珍湯送六味丸
面青脇脹而出血肝氣虛而不能藏血也去三味
加山萸山藥五味子如不應兼六味丸 食少體倦
而出血脾氣虛而不能攝血也去三味加參朮歸地
兼鬱怒少寐更加遠志酸棗仁茯神龍眼肉如不應
暫用歸脾湯

瘡僵肉

梅治背瘡肉長疾皮不及裏見風即成僵以寒水石燒研為細末傳瘡上再用銅綠細末上之肉即不作僵矣
瘡攣急牽陰入腹

圖經古方療惡瘡癰腫或連陰髀間疼痛急攣牽入小腹不可忍一宿則殺人者用茴香苗葉搗取汁一升服之日三四用其滓以貼腫上冬中根亦可用此外國方永嘉以來用之起死神効

咽喉口舌生瘡

精要犀角膏 治咽喉口舌生瘡昔有一貴人因疽而生此證醫者以為心臟絕盡皆辭退愚進此藥一日而安

真琥珀

研

生犀角

各一錢

辰砂

研

茯神

去木各二錢

真腦子

研一字

人參

去蘆

酸棗仁

去皮研各二錢

右人參茯神犀角為細末入乳鉢內別研藥味和勻用蜜搜為膏子以甕瓶收貯俟其疾作每服一彈子

大以麥門冬去心濃煎湯化服一日連服五服取効

此方潰瘍
不宜用

大便秘結

薛東垣先生云瘡瘍熱毒深固嘔惡心逆發熱而煩脈沉而實腫硬木悶大便秘結此毒在臟宜疎通之故曰疎通其內以絕其源又曰瘡瘍及諸病面赤雖伏火熱不得妄攻其裏而陽氣拂鬱邪氣在經宜發表以去之故曰火鬱則發之凡大便不通飲食雖多肚腹不脹切

不可通若腹痞脹而不通者乃直腸乾涸也宜用豬膽
汁導之若腸胃氣虛血涸而不通者宜用十全大補湯
培養之若瘡症屬陽或因入房傷腎而不通者宜用前
湯加薑附回陽多有得生者經云腎開竅於二陰藏精
於腎津液潤則大便如常若潰瘍有此因氣血虧損腸
胃乾涸當大補為善設若不審虛實而一於疎利者鮮
有不誤 一人仲夏患發背黯腫尺餘皆有小頭如鋪
黍狀四日矣此真氣虛而邪氣實遂隔蒜灸服活命飲

二劑其邪頓退乃純補其真又將生脈散以代茶飲瘡邪大退余因他往三日復視之飲食不入中央死肉大便秘結小便赤濁余曰中央肉死毒氣盛而脾氣虛也大便不通腸虛而不能傳送小便赤濁脾虛而火下陷治亦難矣彼始云莫非間斷補藥之故予曰然乃急用六君子加當歸柴胡升麻飲食漸進大便自通外用烏金膏塗中央三寸許四圍紅腫漸消中央黑腐漸去乃敷當歸膏用地黃丸與前藥間服將百劑而愈 一男

子腿患癰因服尅伐虧損元氣不能成膿余為托裏而潰大補而斂但大便結燥用十全大補湯加麥門五味而潤月餘仍結惑於人言乃服潤腸丸而瀉不止余用補中益氣湯送四神丸數服而止

潤腸丸 治脾胃伏火大腸乾燥或風熱血結宜用此丸通之若結在直腸宜豬膽汁導之蓋腎主五液開竅於二陰若津液滋潤大便通調若津液不足脾氣虧損必當培補猶忌前藥

麻子仁

桃仁

去皮尖
各一兩

羌活

當歸尾

大黃

煨

皂角刺

秦艽

各五錢

右各另研為末煉蜜或豬膽汁九桐子大每服三四
十九白湯下若使豬膽汁導之而不結燥急補元氣
大便瀉利

薛瘡瘍大便泄瀉或因寒涼尅伐脾氣虧損或因脾氣
虛弱食不尅化或因脾虛下陷不能升舉或因命門火
衰不能生土或因腎經虛弱不能禁止或因脾腎虛寒

不能司職所主之法若寒涼傷脾用六君加木香砂仁
送二神丸脾虛下陷用補中益氣送二神丸命門火衰
用八味丸料送四神丸腎虛不禁用薑附湯加萸茱萸
五味脾腎虛寒用參附湯送四神丸病機云脈沉而細
身不動作睛不瞭瞭飲食不下鼻準氣黑者薑附湯主
之身重四肢不舉者參附湯主之仲景先生云下痢腸
鳴當溫之脈遲緊痛未止當溫之大孔痛當溫之心痛
當救裏可與理中附子四逆輩精要云癰疽嘔瀉腎脈

虛者不治此發內經之微旨也凡此實難治之症如按前法治之多有可生者 一婦年踰四十背疽不起發泄瀉作嘔食少厥逆脈息如無屬陽氣虛寒用大補劑加附子薑桂不應再加附子二劑瀉愈甚更以大附子薑桂各三錢參芪歸朮各五錢作一劑腹內始熱嘔瀉乃止手足漸溫脈息隨復更用大補而潰再用托裏而斂十年後仍患脾胃虛寒而沒

加減托裏消毒散 治飲食少思腸鳴腹痛腹冷泄瀉

乃脾氣虛寒也去芷翹銀花加炮薑木香手足逆冷
脾血虛寒也更加附子煎送四神丸

和氣散 治癰疽潰後氣虛滑泄四肢逆冷

蒼朮

四兩米泔浸三日洗淨晒乾再以米醋炒令香黃色

甘草

炙 青皮

去穢各一

兩

良薑

炒

肉桂

乾薑

炮各半兩

陳粟

升半

右七味為末每服一錢用炒茴香末半錢相和溫酒

調下不拘時

按此但有燥溫耳無補氣藥非氣虛者所宜

四神丸 治脾胃虛弱大便不實飲食少思或小腹作

痛或產後泄瀉肚腹作痛不思飲食

肉豆蔻

五味子

各二兩

補骨脂

四兩

吳茱萸

湯浸炒一兩

右為末別以水二碗生薑八兩煮紅棗一百個熟爛去皮核用和末為丸桐子大每服五七十九空心食前白湯下

二神丸 治脾腎虛寒不思飲食或侵晨五更泄瀉或飲食少思大便不實其功甚効如不應乃命門火衰急服八味丸補火而生土

破故紙

炒四兩

肉豆蔻

生用二兩

右為末用大紅棗四十枚生薑四兩水煮熟去薑取棗肉和藥丸如桐子大每服五十丸空心鹽湯送下

小便淋瀝頻數

薛瘡瘍小便淋瀝頻數或莖中瀉者腎經虧損之惡症也宜用加減八味丸以補陰足脛逆冷者宜用八味丸以補陽若小便頻而黃者宜用四物湯加參朮麥門五味以滋肺腎若小便短而少者宜用補中益氣加山藥

麥門五味以補脾肺若熱結膀胱而不利者宜用五淋散以清熱若脾氣虛而不能化者宜用黃芩清肺飲以滋陰若膀胱陰虛陽無以生者宜用六味丸若膀胱陽虛陰無以化者宜用滋腎丸腎虛之患多傳此症非滋化源不救若用黃檗知母反瀉其陽以速其危者老人陰痿思色精內敗莖中痛而不利者用加減八味丸加車前牛膝不應更加附子多有復生者若精已竭而復耗之大小便中牽痛愈痛則愈便愈便則愈牽痛以前

藥加附子亦有復生者王太僕云無陰則陽無以化無陽則陰無以生當滋其化源苟專用淡滲復損真陰乃速其危也 職方王蒨塘背疽潰後小便淋漓或時自遺作渴引飲煩熱不寐瘡口焮赤時或如灼時或便遺余曰此腎虛之惡症用加減八味丸加麥門數劑而痊駕部林如玉冬不衣綿作渴飲冷每自喜壯實哂余衣綿診其脈數大無力余曰至火令當求余也三月間果背熱便閼脈溢用四物加芩連山梔數劑大便秘和

却去苓連加參朮茯苓二十餘劑及前丸半斤許渴減六七背熱亦退至夏背發一疽純用托裏之劑而斂

托裏消毒散加減法 莖中痛而小便不利精內敗也

去連翹白芷金銀花三味加山茱萸山藥澤瀉如不

應佐以六味丸 愈便則愈痛愈痛則愈便精復竭

也去三味煎送六味丸 食少體倦口乾飲熱小便

黃短脾肺虛熱也去三味加五味子山茱萸如不應

暫用六味丸 勞役而小便黃元氣下陷也去三味

加升麻柴胡 午後小便黃短腎虛熱也去三味加
升麻柴胡煎送六味丸

黃芩清肺飲 治肺經陰虛火燥而小便不通若因脾
經有熱當清其脾若因心火尅肺當制其心

黃芩錢一 梔子三枚
打碎

右水煎服

滋腎丸 治腎經陰虛發熱作渴便赤足熱腿軟等證
凡不渴而小便秘熱在下焦血分也最宜此藥經云

無陰則陽無以化若脾肺燥熱所遺當滋其化源

知母

黃檗

各酒炒
一兩

肉桂

二錢

右為末水丸如梧桐子大每服百丸空心白滾湯下

五苓散

治下部濕熱瘡毒小便赤少

澤瀉

二兩
五錢

豬苓

去皮一兩
半

肉桂

七錢
半

白朮

赤茯苓

各一兩
五錢

右為細末每服一二錢熱湯調下

清心蓮子飲

治膀胱氣虛濕熱玉莖腫痛或莖竅瀝

滯口苦咽乾小便色赤或白濁夜安靜而晝發熱

黃芩 麥門冬 地骨皮 車前子 炙甘草

各一錢

錢半 石蓮肉 白茯苓 黃芪 柴胡 人參

各一錢

右水煎服

五淋散 治膀胱有熱水道不通或尿如豆汁或如沙

石或如膏汁或熱沸便血

赤茯苓 一錢半 赤芍藥 山梔 各二錢 當歸

甘草 各一錢五分

右用燈心二十根水煎服

清肺飲 治渴而小便不利乃肺經有熱是絕寒水生
化之源宜用此藥以清化源其水自生而便自利矣

茯苓

錢二

豬苓

錢三

澤瀉

錢一

琥珀

錢一

瞿麥

錢五

通草

錢六

木通

篇蓄

錢七

車前子

錢一

燈草

錢一

右為細末每服五錢水煎服

腎氣丸

治腎經陽虛陰無所化以致膀胱淋漓或脾

肺氣虛不能通調水無所化而膀胱癃閉或腎氣虛

熱干於厥陰之絡陰挺痿痺而溺頻數或腎水虛弱
陰虧難降使津液敗濁而為痰水又治腎虛便血及
諸見血發熱自汗盜汗等症之聖藥也即六味地黃
丸

琥珀散

治諸般瘡癰表裏有熱小便赤澀

白茯苓

黃芩

茵陳

紫草

瞿麥

茅根

石葦

烏藥

琥珀

連翹

車前子

各等分

右為極細末每服二三錢用燈心湯調下不拘時候

瞿麥散 治癰疽發背排膿止痛利小便

桂心 赤芍藥 當歸 黃芪 芎藭 瞿麥

白薇

麥門冬

去心各等分

赤小豆

一合酒浸炒乾

右咬咀每服四錢酒煎溫服如諸癰已潰未潰瘡中膿血不絕痛難忍者加細辛白芷白薇薏苡仁

頭痛眩暈

托裏消毒散加減法 初腫頭痛發熱邪在表也加川

芎羌活若外邪在表而元氣實者暫用人參敗毒散

頭痛惡寒表虛也去金銀花連翹加參芪 體倦

頭痛或眩暈中氣虛也去三味加柴胡升麻如不應

暫用補中益氣湯加蔓荊子 日晡頭痛或眩暈陰

血虛也去三味加熟地黃如不應佐以六味丸 夢

泄遺精頭暈頭痛或痰喘氣促腎虛不能納氣也去

三味併川芎佐以六味丸如不應大虛寒也用八味

丸

煩躁

托裏消毒散加減法 面目赤色煩熱作渴脈大而虛
血脫發躁也去三味加黃芪當歸如不應暫用當歸
補血湯 身熱惡衣欲投於水脈沉細微氣脫發躁
也去三味加肉桂附子如不應暫用附子理中湯

自汗盜汗

托裏消毒散加減法 善思體痛無寐盜汗脾血虛也
去三味加茯苓遠志酸棗仁圓眼肉如不應暫用歸
脾湯 寢寐而汗出腎氣虛也去三味加五味子煎

送六味丸

飲食而汗出胃氣虛也去三味加參芪

歸朮五味子如不應暫用六君子湯 睡覺飽而出

盜汗宿食也去三味加參朮半夏如不應暫用六君

子湯

多痰

托裏消毒散加減法 胸滿多痰脾氣虛也去三味加

桔梗半夏如不應暫用六君子湯加桔梗枳殼 晡

熱多痰脾血虛也去三味加歸地參朮如不應暫用

六君子湯加芎歸熟地 咳嗽唾痰腎虧津液泛上
也去三味加山茱萸山藥熟地如不應佐以六味丸

喘急

癰疽喘急恍惚嗜卧此心火刑肺金宜用人參平肺散
人參平肺散

桑白皮 炒 知母 七分炒 杏仁 去皮炒 地骨皮 紫蘇

橘紅 半夏 薑製 茯苓 青皮 人參 各一錢 五味子

二十粒 甘草 炙五分 作一劑水二鍾薑三片煎八

分食遠服

薛按此方理氣清肺化痰之劑若肺脈洪數無力者宜用若兼發熱作渴脈洪數有力者宜用如金解毒散此證火尅金為惡候面赤者亦不治

胸痞

托裏消毒散加減法 忿怒胸痞肝氣滯也去三味加桔梗山梔如不應暫用補中益氣湯加桔梗枳殼倦怠胸痞中氣虛也去三味加參朮茯苓如不應暫

用八珍湯加柴胡

目斜視上

癰疽目斜視上黑睛緊小白睛青赤肝挾火邪宜用瀉

青丸

瀉青丸方

當歸

酒拌

川芎

山梔仁

炒

羌活

龍膽草

酒拌炒

防風

大黃

酒拌炒
各等分

右為細末煉蜜丸雞頭實大每服一九煎淡竹葉湯

化下日進二三服如瀉去大黃加荊芥或用黃連瀉
心湯一二劑亦可

薛按前證七惡中之三惡也若肝脈弦緊洪數者最
當亦有目視不正睛不瞭瞭脈微或浮者乃真氣虛
也宜用大補之劑夫瀉青者瀉肝經之火邪也肝屬
木其色青故耳

四肢沉重

胃苓湯

蒼朮

米泔浸
炒二錢

厚朴薑製

甘草

炙

白朮

炒各
一錢

茯苓

一錢
七分

澤瀉

木香

白芍藥

炒各
一錢

官桂

五
分

淡竹葉

二十
片

作一劑水二鍾薑三片棗二枚煎

八分食前服

按前證七惡中之五惡也服而若脾氣醒濕氣除宜
用參苓白朮散之類多服恐導損津液

參苓白朮散

人參

茯苓

白朮

炒

蓮肉

去
心

縮砂仁

炒
杵

薏苡仁

炒

山藥

各二兩

桔梗

炒

甘草

炙

白扁豆

去皮
薑汁

浸炒各
一兩

右為細末每服二錢用石菖蒲煎湯調下



證治準繩卷一百四

欽定四庫全書

子部

證治準繩卷一百五

詳校官太醫院醫官臣姜晟

編修臣倉聖脉覆勘

總校官進士臣朱鈐

校對官助教臣卜維吉

謄錄監生臣樊宗清

欽定四庫全書

證治準繩卷一百五

明 王肯堂 撰

外科

寒熱往來

托裏消毒散加減法 口苦寒熱往來肝火血虛也去
三味加柴胡熟地 因怒寒熱往來肝火氣虛也加
柴胡黃芩如不應暫用八珍湯加炒山梔炒酸棗仁

酒炒黑龍膽草

體倦寒熱往來肝脾氣滯也去三

味加參芪歸朮如不應暫用補中益氣湯

內熱晡

熱或寒熱往來陰血虛也去三味加芍歸牡丹皮柴

胡如不應暫用八珍湯加牡丹皮

畏寒或寒熱往

來胃氣虛也去三味加參苓白朮升麻如不應暫用

補中益氣湯

脇痛痞滿或寒熱往來肝氣滯也去

三味加青皮木香如不應屬氣血虛也更加芍歸參

朮若婦人勞役恚怒或適經行發熱譫語或夜間

熱甚乃熱入血室也去三味加生地丹皮柴胡如不應暫用加味四物湯

厥逆

加減托裏消毒散 治四肢逆冷乃腎氣虛寒也去三味加桂附仍佐以八味丸

面目浮腫

癰疽聲嘶色敗唇鼻青赤面目浮腫宜調胃白朮散

調胃白朮散

白朮

炒

茯苓

各二錢

陳皮

白芍藥

炒

檳榔

澤瀉

各一錢

木香

五分

右一劑水二鍾薑三片煎八分食後服如腫不退加

白朮

炒

枳實

各一錢

薛按前症乃七惡也用此方若濕除氣少退用六君

子湯參苓白朮散之類大便不實尤効再用檳榔木

香恐傷真氣也亦有真氣虛而致前症者尤不宜用

二藥

陽氣脫陷

薛瘡瘍陽氣脫陷或因尅伐之劑或因膿血太泄或因吐瀉之後或因誤而入房若發熱頭痛小便淋瀝或滑數便血目赤煩喘自汗發熱氣短頭暈體倦熱渴意欲飲水投水惡寒憎寒身熱惡衣揚手擲足汗出如水腰背反張鄭聲不絕此無根虛火之假熱症若畏寒頭痛咳逆嘔吐耳聾目矇小便遺難瀉利腸鳴裏急腹痛玉莖短縮冷汗時出齒牙浮動肢體麻痺或厥冷身痛或

咬舌嚙唇舌根強硬此陽氣脫陷之真寒證皆勿論其脈勿論其瘡但見一二急用參附湯補之多有復生者大凡潰後勞役元氣虧損或夢遺精脫或滑數便血或外邪乘之或誤用寒涼氣血脫陷而致斯症治以前藥亦有復生者 內翰楊臯湖孟夏患背疽服尅伐之劑二旬餘矣漫腫堅硬重如負石隔蒜灸五十餘壯背遂輕以六君加砂仁二劑涎沫涌出飲食愈少此脾虛陽氣脫陷劑用溫補反嘔不食仍用前藥作大劑加附子

薑桂又不應遂以參芪各一斤歸朮陳皮各半斤附子
一兩煎服三日而盡流涎頓止腐肉頓潰飲食頓進再
用薑桂等藥托裏健脾腐脫而瘡愈矣 少叅史南湖
之內夏患疽不起發脈大而無力發熱作渴自汗盜汗
用參芪大補之劑益加手足逆冷大便不寬喘促時嘔
脈微細按之如無惟大衝不絕仍以參芪白朮當歸茯
苓陳皮計斤許加附子五錢水煎兩鍾作一服諸症頓
退脈息頓復翌日瘡起而潰仍用前藥四劑後日用托

裏藥調理兩月餘而消 一婦卧牀十三年矣遭回祿
益加憂鬱明年三月右肩下發一塊焮腫如甌中赤外
白先用涼藥一劑不解次用十宣散四劑加痛略紅迎
醫視之連投參芪丁桂防止之劑膿潰云無恙矣辭去
眩暈嘔逆惡寒戰慄頂陷膿清偶檢外科發揮發背門
云若初起一頭如黍不腫不赤煩躁便秘四五日間生
頭不計其數瘡口各如含一粟名曰蓮房發云云始駭
為惡症治法雖詳不諳於行迎薛至診云辛涼解散氣

血兩虛者忌之連投參芪歸朮地黃薑附大劑腫高膿稠兼紅烏金膏數日果腐落筋如脂膜者數片人參每服至八錢日進二服逾兩月平復

附子理中湯 治瘡瘍脾胃虛寒或誤行攻伐手足厥冷飲食不入或腸鳴腹痛嘔逆吐瀉

附子 人參 茯苓 白芍藥

各三錢

白朮

四錢

右水煎服

薑附湯 治瘡瘍真陽虧損或誤行汗下或膿血出多

失於補托以致上氣喘急自汗盜汗氣短頭暈

人參

附子

炮去皮臍各一兩

乾薑

炮

白朮

各五錢

右作二劑水煎服

參附湯

治失血過多或膿瘀大泄或寒涼汗下真陽

脫陷上氣喘急自汗盜汗氣短頭暈等症急服以救

元氣緩則不治

人參

一兩 附子

炮去皮臍五錢

右薑五片水煎服不應倍之

內癰

素問曰肝滿腎滿肺滿皆實即為腫

王注云滿謂脈氣滿實腫謂癰腫

肺之癰喘而兩胠滿

仲景云肺癰吐膿如米粥咽燥振寒

肝癰兩胠滿卧

則驚不得小便

腎癰脚下至小腹滿

大奇論林億云脚下當作胠下

千金云腸癰之為病小腹腫強按則痛便數似淋仲景云腸癰小腹痞堅蓋小腹痛而痞堅者腎癰也小便數而似淋者腸癰也即肺癰肝癰之屬

辨藏府內瘡

中府隱隱痛者肺疽

其上面微起者肺癰

巨闕隱隱痛者心疽

其上肉微起者心癰

期門隱隱痛者肝疽

其上肉微起者肝癰

章門隱隱痛者脾疽

其上肉微起者脾癰

京門隱隱痛者腎疽

其上肉微起者腎癰

中脘隱隱痛者胃疽

其上肉微起者胃癰

天樞隱隱痛大腸疽

其上肉微起大腸癰

丹田隱隱痛三焦疽

其上肉微起三焦癰

關元隱隱痛小腸疽

其上肉微起小腸癰

懷忠丹 治內癰有敗膿敗血腥穢殊甚所致臍腹冷痛用此推膿下血

白芷 單葉紅蜀葵花根 各一兩 白礬 枯 白芍藥 各五

錢

右研為末鎔黃臘丸如梧子大空心米湯下

三十九推膿下血出盡後服十宣散補之忌發物

又方猪膏煎鯽魚食治瘍癰
又方以鼈甲燒存性末服之

肺癰丹溪云癰疽發於內者肺癰肝癰腎癰腸癰囊內癰附骨癰惟肺癰須先解表今表而出之

千金欬唾膿血其脈數實者為肺癰若口中欬即胃中
隱痛脈反滑數此肺癰也 問曰病者欬逆何以知其
肺癰當有膿血吐之則死其脈何如曰寸脈微而數微
為風數為熱微則汗出數則惡寒風中於衛呼氣不入
熱逼於榮吸氣不出風傷皮毛熱傷血脈風舍於衛其
人則欬口乾喘滿咽燥不渴多吐濁沫時時振寒熱之
所過血為凝滯蓄結癰膿吐如米粥始萌可救膿成則
死 問曰振寒發熱寸脈滑數其人飲食起居如故此

為癰腫醫反不知以傷寒治之不應何以知有膿膿之所在何以別知其處師曰假令膿在胸中者為肺癰其脈數欬吐有膿血設膿未成其脈自數緊去但數為膿已成也 薛夫肺者五臟之華蓋也處於胸中主於氣候於皮毛勞傷氣血腠理不密外邪所乘內感於肺或入房過度腎水虧損虛火上炎或醇酒炙煇辛辣厚味薰蒸於肺或咳唾痰涎汗下過度重亡津液之所致也其候惡風咳嗽鼻塞項強胸脇脹滿呼吸不利咽燥作

渴甚則四肢微腫咳唾膿血若吐痰臭濁膿血腥穢胸中隱隱微痛右手寸口脈數而實者為肺疽若唾涎沫而無膿脈數而虛者為肺痿也若咳嗽喘急者小青龍湯咳嗽胸脹者葶藶大棗瀉肺湯咳膿腥濁者桔梗湯咳喘短氣或小便短少者佐以參芪補肺湯體倦食少者佐以參朮補脾湯咳唾痰壅者腎虛水泛也六味地黃丸口乾咽燥者虛火上炎也加減八味丸此症皆因脾土虧損不能生肺金肺金不能生腎水故始萌則可

救膿成則多死若脈微緊而數者未有膿也緊甚而數者已有膿也內經曰血熱則肉敗榮衛不行必將為膿大凡肺瘡咳唾膿血久久如粳米粥者難治若唾膿而不止者亦不可治也其嘔膿而自止者自愈其脈短而溢者自痊面色當白而反赤者此火之尅金皆不可治苟能補脾肺滋腎水庶有生者但恐專攻其瘡脾胃益虛鮮有不誤者矣

丹溪治一少婦胸膈間潰一竅膿血與口中所咳相應

而出以參芪當歸加退熱排膿等藥而愈一云此因肺痿所致 項彥章治一人病胸膈壅滿昏不知人項以杏仁薏苡之劑灌之立甦繼以升麻桔梗黃芪消其膿服之踰月瘳項所以知其病者以陽明脈浮滑陰脈不足也浮為火而滑為血聚始由風傷肺故結聚客於肺陰脈之不足則過於宣逐也諸氣本乎肺肺氣治則出入易苑陳除故行其肺氣而病自已 汪石山治一婦年近三十形色瘦白素時或咳嗽一兩聲月水或前或

後夏月取涼遂咳甚不能伏枕者月餘嗽痰中或帶血
或兼膿嗽急則吐食醫用芩連二陳不効復用參芪等
補藥病重汪視左脈浮滑右脈稍弱而滑幼傷手腕掌
不能伸右脈似難憑矣乃以左脈驗之恐妊兼肺癰也
遂以清肺泄肺之劑進之三服而能著枕痰不吐膿不
咯惟時或惡阻汪曰此妊之常病也教用薏苡仁白朮
茯苓麥冬黃芩阿膠煎服病減月餘復為診脈皆稍緩
而浮與熱已減矣但吐紅太多未免傷胃教用四君子

加陳皮黃芩枳殼煎服調理妊至六月食難病作却難而愈至九月病又復作聲啞令服童便獲安汪曰產後病除乃是佳兆病若復作非吾所知月足而產脾胃病作加泄竟不救 薛立齋治一儒者患肺癰鼻流清涕

咳唾膿血胸膈作脹此風邪外傷也先用消風散加亂髮灰二服而鼻利又用四君加芎歸及桔梗湯而愈後因勞役咳嗽吐膿小便滴瀝面色黃白此脾土不能生肺金肺金不能生腎水也用補中益氣湯六味地黃丸

而愈 一儒者因素善飲咳膿項強皮膚不澤此脾肺
氣虛外邪所乘而成肺癰也先用桔梗湯後用人參補
肺湯而痊 一男子咳唾痰膿胸腹膨脹兩寸與右關
脈皆洪數此火不能生土而土不能生金也用桔梗湯
為主佐以補中益氣湯而愈 一人不時咳嗽作渴自
汗發熱便數自用清肺降火理氣滲利之劑服之反小
便不通面目赤色唇烈痰壅脾肺腎三脈浮大按之而
數此足三陰虧損不能相生當滋化源否則成癰矣不

信仍用分利之藥後果患肺癰余用桔梗湯及六味丸而愈 一男子面赤吐膿發熱作渴煩躁引飲脈洪數而無倫次先用加減八味丸加麥門大劑一服熱渴頓止即熟睡良久覺而神爽索食再劑諸症頓減仍用前藥更以人參五錢麥門二錢五分五味二錢水煎代茶飲日一劑月餘而安此證面赤者當補肺腎面白者當補脾肺治者驗之 一婦素血虛發熱咳嗽或用痰火之劑後吐膿血面赤脈數甚勢甚危此膿成而血氣虛

也余用八珍湯以補元氣用桔梗湯以治肺症脈症漸愈一婦感冒風寒或用發表之劑反咳嗽喘急飲食少思胸膈不利大便不通右寸關脈浮數欲用通利之劑余曰此因脾土虧損不能生肺金若更利之復耗津液必患肺癰矣不信仍利之虛證悉至後果吐膿予朝用益氣湯夕用桔梗湯各數劑吐膿漸止又朝仍用前湯夕用十全大補湯各五十餘劑喜其善調理獲愈一婦咳嗽吐痰胸膈作痛右寸關浮滑項下牽強此脾

胃積熱成痰非癰患也以二陳湯加山梔白朮桔梗治之而痊 一婦素血虛內熱時咳甲辰孟冬兩尺浮洪余曰當防患肺症丙午孟春果咳嗽左右寸脈洪數此心火刑尅肺金而成肺癰也膿已成矣夏令可憂余用壯水健脾之劑稍愈彼不慎調攝果歿於仲夏

小青龍湯 治肺受風寒咳嗽喘急

半夏

湯泡七次
二兩半

乾薑

炮

細辛

麻黃

去節

肉桂

芍藥

甘草

炙各
三兩

五味子

蜜拌炒
二兩

右每服五錢薑水煎服

葶藶大棗瀉肺湯 治肺癰喘不得卧

葶藶

炒黃研細
丸如彈子

大棗

十二枚

水三升入棗先煮取二

升去棗入葶藶又煮一升頓服之又曰治肺癰胸
滿脹一身并面目浮腫鼻塞涕出不知香臭酸
辛咳逆上氣喘鳴追塞用前方三日一劑可至三
四劑須先與小青龍湯一劑乃與之

桔梗湯 治欬而胸滿振寒脈數咽乾不渴時出濁唾

腥臭久久吐膿如粥者肺癰也

桔梗

甘草

炙各一兩

用水三升煮取一升去滓分溫

再服則吐膿血也亦治喉痺三因甘草倍之每四錢名四聖散千金亦名桔梗湯用桔梗三兩甘草二兩服後必吐膿血

葦莖湯

治肺癰又云一本治欬有微熱煩滿心胸甲

錯

葦莖

三升切

薏苡仁

半升冬瓜仁

半升桃仁

五十枚去皮

用水

一斗先煮葦葉得五升去滓入諸仁煮取二升分

溫五服當吐如粥

千金云肺癰當吐膿血葦葉即汀洲間蘆荻之粗種也

治吐膿血如肺癰狀口臭他方不應者宜消風散入男

子髮灰研細入和之清米飲下可除根只兩服亦治

吐血

消風散方荆芥川芎羌活人參茯苓僵蚕防風藿香蟬脫各二錢厚朴陳皮各半兩為末是也

葦宙獨行方 治心胸甲錯為肺癰黃昏湯主之

用夜合皮掌大一片水三升煮取二升分再服

夜合樹按

本草即烏
農樹也

右肺癰症治要略以小青龍湯先與一劑乃行氣取
膿之藥將以解表之風寒邪氣此治腫瘍之例也後
以韋宙方終之者將以補裏之陰氣此治潰瘍之例

也

已上六方皆
丹溪所集

如聖丸

梅師

治風熱毒氣上攻咽喉痛痺腫塞妨悶及

肺癰喘嗽唾膿血胸滿振寒咽乾不渴時出濁沫氣
臭腥穢久久咯膿狀如米粥

樟腦研另牛黃研另桔梗

甘草

生用各
一錢

為細末煉

蜜丸每兩作二十九每用一九噙化

濟生桔梗湯 治肺癰心胸氣塞咳唾膿血心神煩悶

咽乾多渴兩足腫滿小便赤黃大便多溢用桔梗貝
母川歸瓜蒌仁枳殼薏苡仁桑白皮防風已上各一
兩生甘草杏仁蒸百合各半兩黃芪一兩半右修合
哎咀每服四錢水一碗半生薑五片煎至八分去滓
服若大便秘加大黃小便秘加木通

仲景桔梗白散 治欬而胸滿振寒脈數咽乾不渴時

出濁唾腥臭久久吐膿如米粥者為肺癰

桔梗

貝母

各三分

巴豆

去皮炒研如脂一分

右三味為散強人飲服半錢匕羸者減之病在膈上者吐膿血膈下者瀉出若下多不止飲冷水一碗則

定

此亦要略方丹溪不刪揀用之者必有微意存焉

肺癰醫壘元戎搜風湯吐之

牡丹散

本

治肺癰吐膿血作臭胸乳間皆痛

牡丹皮

赤芍藥

地榆

苦梗

薏苡仁

川升麻 黃芩 生甘草

各一錢半

右作一服水二鍾煎至一鍾食遠服 一方無黃芩
加生薑煎名升麻湯

如金解毒散 治肺癰

桔梗 錢一 甘草 半一錢 黃連 炒 黃芩 炒 黃檗 炒 山梔 炒

分七作一劑水二鍾煎八分作十餘次呷之勿急服

按此方乃降火解毒之劑也發熱煩渴脈洪大者
用之俱効若脈數咳痰腥臭或唾膿瘀宜用桔梗湯

大抵肺癰之症肺脈洪大或吐膿不止者難治膿自止脈短濇者自愈面赤火尅金也不治

桔梗湯 治男婦欬而胸膈隱痛兩脚腫滿咽乾口燥煩悶多渴時出濁唾腥臭名曰肺癰小便赤黃大便多澁

桔梗 貝母 當歸酒浸 瓜蒌仁 枳殼炒 薏苡仁

微炒 桑白皮 防己去粗皮 甘草節各一兩 百合蒸 黃芪

各一兩半 北五味子 甜葶藶 地骨皮 知母

杏仁

各半
兩

右剉碎每服四錢水一盞半生薑三片煎七分不拘
時溫服咳者加百藥煎熟加黃芩大便不利加煨大
黃少許小便澁甚加木通車前子煎煩躁加白茅根
煎咳而疼甚加人參白芷煎

四順湯

治肺癰吐膿五心煩熱壅悶咳嗽

貝母

去心

紫苑

去苗土

桔梗

炒各一兩

甘草

炙剉半兩

右搗篩每服三錢水一盞煎五七沸去滓不拘時稍

冷服如咳嗽甚加去皮尖杏仁三枚同煎小兒量減
治肺癰方

右用薏苡米為末糯米飲調下或入粥內煮吃亦可
一方用水煎服當下膿血便愈

瀉白散 治肺癰

桑白皮

炒二錢

地骨皮

甘草

炙

貝母

去心

紫苑

桔梗

炒

當歸

酒拌各一錢

作一劑水一鍾薑三片煎八

分食遠服

薛按此方乃瀉肺邪消毒之劑也若喘咳唾痰沫肺脈浮數者用之有效如脈大發熱作渴宜用解毒散解之而後用此劑其或唾膿之際宜排膿如唾膿後及脈將安宜補肺初起胸膈脹滿喘急咳嗽宜發散表邪

濟生排膿湯 治肺癰得吐膿後以此排膿補肺

生綿黃芪二兩細末每二錢水一盞煎五分服

肺癰收斂瘡口止有合歡樹皮白斂煎湯飲之

排膿散 治肺癰吐膿後宜服此補肺

黃芪

鹽水拌炒

白芷

五味子

炒

人參

各等分

為細末每服三錢食後蜜湯調下

寧肺湯 治咳嗽唾膿自汗上氣喘急用此補肺及治

榮衛俱虛發熱自汗

人參

當歸

酒拌

白朮

熟地黃

川芎

白芍藥

甘草

炙

五味子

搗

麥門冬

去心

桑白皮

炙

阿膠

蛤粉炒

各

錢一白茯苓

錢一

作一劑水二鍾薑三片煎八分食

後服

人參補肺湯

治肺症咳喘短氣或腎水不足虛火上炎痰涎涌盛或吐膿血發熱作渴小便短澀

人參

黃芪

白朮

茯苓

陳皮

當歸

各一錢

山茱萸肉

山藥

各二錢

麥門冬

七分

甘草

炙

五味子

各五分

熟地黃

自製一錢半

牡丹皮

八分

右薑棗水煎服

人參平肺散

治心火尅肺傳為疽痿咳嗽喘嘔痰涎

壅盛胸膈痞滿咽嗑不利若因肝木太過而致當補肺若因腎水不足而患當補脾肺若因心火旺而自病當利小便

人參 陳皮 甘草 地骨皮 茯苓

各一錢

知母

炒七分

五味子

炒并四分

青皮

天門冬

去心各五分

桑白皮

炒一錢

右水煎服

參芪補脾湯

治肺疽脾氣虧損久咳吐膿涎或中滿

不食必服此藥補脾土以生肺金否則不治

人參

白朮

錢各二

黃芪

二錢五分

茯苓

陳皮

當歸

錢各一

升麻

三分

麥門冬

七分

五味子

四分

桔梗

六分

甘草

五錢

分

右薑棗水煎服

葶藶散

治脾癰咳嗽氣急睡卧不安心胸脹滿

甜葶藶子

二兩半隔紙炒赤色

百合

炒

白附子

北五味子

炒甘草節

羅參

款冬花

百藥煎

紫苑

去木

各一大硃砂半兩
另研

右為末每服二錢燈心湯調下

補肺散 治肺癰已吐出膿血以此潤護

真鍾乳粉一兩白滑石二兩

右研細每服三錢米飲調下

理肺膏 治肺癰正作咳唾不利胸膈迫塞

訶子核去百藥煎 五味子微炒條參去蘆款冬花藥

杏仁 知母 貝母 甜葶藶子 紫苑 百合

甘草節

各五錢

右為末用白茅根淨洗秤三斤研取自然汁入磁石
罌中熬成膏更添入好蜜二兩再熬勻候調和煎藥
為圓如梧子大溫水吞下

五香白朮散 寬中和氣滋益脾土生脾金進美飲食

沉香

木香

明乳香

丁香

藿香葉

各半兩

白朮

羅參

白茯苓

薏苡仁

山藥

扁豆

桔梗

縮砂

白豆蔻

粉草

蓮肉

各一兩

右為末蘇鹽湯調空心服棗湯亦可有汗加浮麥煎湯下

肺癰已破入風者不治 肺癰吐膿後其脈短而濇者自痊浮大者難治其面色白而反赤者此火之尅金皆不可治

金匱方論曰熱在上焦者因欬為肺痿肺痿之病何從得之或從汗出或從嘔吐或從消渴小便利數或從便難又被快藥下利重亡津液故寸口脈數其人欬口中

反有濁唾涎沫者為肺痿之病若口中辟辟燥欬即胸中隱隱痛脈反滑數此為肺癰欬唾膿血脈數虛者為肺痿數實者為肺癰 婁此言肺痿屬熱如欬久肺傷聲啞聲嘶咯血此屬陰虛火熱甚是也本論治肺痿吐涎沫而不欬者其人不渴必遺尿小便數以上虛不能制下故也此為肺中冷必眩多涎唾用炙甘草乾薑此屬寒也肺痿吐涎多心中溫液者用炙甘草湯此補虛勞也亦與補陰虛火熱不同是皆宜分治之故肺痿又

有寒熱之異也

精勞傷血氣腠理虛而風邪乘之內盛於肺也則汗出惡風咳嗽短氣鼻塞項強胸脇脹滿久久不瘥已成肺痿也 保肺癰者由食啖辛熱炙燂或酣飲熱酒燥熱傷肺所致治之宜早

腸癰千金謂妄治必殺人腸癰為病小腹重而強按之則痛便數似淋時時汗出復惡寒身皮甲錯腹皮急如腫狀其脈數者小有膿也巢云洪數者已有膿脈若遲

緊者未有膿甚者腹脹大轉側有水聲或繞臍生瘡或
膿自臍出或大便出膿血 脈經問曰羽林婦病何以
知腸有膿師曰脈滑而數滑則為實數則為熱滑則為
榮數則為衛衛數下降榮滑上升榮衛相干血為敗濁
小腹痞堅小便或澁或自汗出或復惡寒膿為已成設
脈遲緊則為瘀血血下即安 丹溪云腸癰大腸有熱
積死血流注桃仁承氣湯加連翹秦艽 薛陽癰因七
情飲食所致治法脈遲緊者未有膿也用大黃湯下之

脈洪數者已有膿也用薤白仁湯排之小腹疼痛小便不利膿壅滯也牡丹皮散主之若大便或臍間出膿者不治內經曰腸癰為病不可驚驚則腸斷而死故患是者其坐卧轉側理宜徐緩時少飲薄粥及服八珍湯固其元氣靜養調理庶可保全其生 丹溪治一女子腹痛百方不治脈滑數時作熱腹微急曰痛病脈當沉細今滑數此腸癰也以雲母膏一兩九梧子大以牛皮膠銕入酒中并水下之晌時服盡下膿血愈 一婦以毒藥

去胎後當臍右結一塊痛甚則寒熱塊與臍高一寸痛不可按脈洪數謂曰此瘀血流溢於腸外育膜之間聚結為癰也遂用補氣血行結滯排膿之劑三日決一鋒針膿血大出內如糞狀者臭甚病婦恐因調氣血生肌則內外之竅自合不旬日而愈 呂滄洲治郡守李母龐病小腹痛衆醫皆以為癥聚久藥不効呂診循其少陰脈如刀刃之切手胞門扎而數知其陰中痛癰結小腸也告之曰太夫人病在幽隱不敢以聞幸出侍人語

之乃出老嫗呂曰苦小腸癰以故臍下如瘕聚今膿已成痛迫于玉泉當不得前後洩洩則痛甚嫗拜曰誠如公言遂用國老將軍為向導麒麟竭虎珀之類攻之膿自小便出應手愈 呂又治一小兒十二歲患內癰腹脹臍凸而頗銳醫欲刺臍出膿其母不許請呂視之見一僧踞爐熾炭然銅筋一枚烈火中瞪目視翁曰此兒病癰發小腸苟舍刺臍無他法呂諭之曰臍神闕也針刺所當禁矧癰舍於內惟當以湯丸攻之苟如而言必

殺是子矣僧怒趨而出呂投透膿散一劑明日膿自氣
合潰繼以十奇湯下萬應膏丸而瘡虞恒德治一人
得潮熱微似瘡但小腹右邊有一塊大如雞卵作痛右
脚不能伸縮一醫作奔豚氣治十餘日不驗虞診其脈
左寸芤而帶瀦右寸芤而洪實兩尺兩關俱洪數曰此
大小腸之間欲作癰耳幸膿未成猶可治與五香連翹
湯加減與之間以蜈蚣炙黃酒調服之三日愈儒醫
李生治一富家婦有疾診之曰腸胃間有所苦耶婦曰

腸中痛不可忍而大便從小便出醫皆謂古無此證不可治李曰試為籌之若服我之藥三日當瘳用小丸子數十九煎黃芪湯下之下膿血數升而愈其家喜問治法李曰始切脈時覺芤脈見於陽部脈訣云寸芤積血在胸中關內逢芤腸裏癰此癰在內所以致然所服者乃雲母膏為丸耳切脈至此可以言醫矣薛已治通府張廷用患之兩月餘矣時出白膿體倦惡寒此邪氣去而中氣虛也乃用托裏散兼益氣湯徐徐呷之又令

以猪肚肺煮爛取其湯調米粉煮時呷半盞後漸調理而痊 一男子裏急後重下膿脹痛此脾氣下陷用排膿散蠟磬丸而愈後因勞役寒熱體倦用補中益氣湯而安 一婦人小腹脹痛小便如淋時時汗出此瘀血凝結於內先以神効瓜蒌散二劑少愈更以薏苡仁湯而愈 一婦人小腹脹痛而有塊脈朮而澁此瘀血為患也以四物加玄胡索紅花桃仁牛膝木香二劑血下而痊 一婦人小腹脹痛大便秘澁轉側有水聲脈洪

數此膿瘀內潰也以梅仁湯一劑下瘀血諸症悉退再以薏苡仁湯二劑而痊 一婦人膿成脹痛小便不利脈洪數此膿毒內潰也服太乙膏三錢膿下甚多更以瓜蒌散蠟礬丸及托裏散而安 如用雲母膏尤妙 一婦人產後惡血不止小腹作痛服瓜子仁湯下瘀血而痊凡瘀血停滯宜急治之緩則腐化為膿最為難治若流注關節則為敗症

薏苡附子散

治身甲錯腹皮急如腹脹本無積聚身

熱脈數者

附子

炮二分

敗醬

五分

薏苡仁

一錢

右為末每服方寸匕以水二合煎頻服小便當下三
因薏苡附子同煎敗醬用一兩一分每四錢水盪半
煎七分去渣空心服

按此方乃辛熱之劑也若積久陰冷所致宜用丹溪
云身甲錯腹皮急按之濡如腫狀腹無積聚身無熱
脈數此腸內有癰積久陰冷所致故金匱有用附子

溫之即此方也

牡丹湯 治腸癰小腹腫痞按之即痛小便如淋時時發熱自汗惡寒其脈遲緊者膿未成可下之當有血洪數者膿已成不可下

牡丹皮

瓜蒌仁

錢各一

桃仁

去皮尖

芒硝

錢各二

大黃

錢五

右作一服水二鍾煎至一鍾去滓入硝再煎數沸不拘時服

按此乃破血之劑也如發熱自汗惡寒小腹作痛小便如淋脈遲者有效丹溪云小腹腫痞按之痛小便如淋或自調發熱身無汗復惡寒其脈遲緊者膿未成宜下之當有血此內結熱所成也故金匱有用大黃利之即此方也若無前證恐不宜用亦有腹內脹痛脈滑數或膿已下或後重時時而下宜用排膿散太乙膏蠟礬丸及托裏藥

薏苡仁湯 治腸癰腹中疔痛煩毒不安或脹滿不食

小便澀婦人產後虛熱多有此病縱非癰但疑似間
便可服

薏苡仁

瓜蒌仁

各三錢

牡丹皮

桃仁

各二錢

右作一服水二鍾煎至一鍾不拘時服

按此方藥品和平其功且速常治腹痛或發熱或脹
滿不食水道澀滯產後多有此證或月經欲行或行
後或作痛尤効

牡丹散 治腸癰冷證腹濡而痛時時利膿

牡丹皮

人參

天麻

白茯苓

黃芪

木香

當歸

川芎

官桂

桃仁

去皮尖各七錢半

白芷

薏苡仁

甘草

炙各五分

為細末每服三錢用水一

鍾煎至七分食前溫服

梅仁湯

治腸癰裏急隱痛大便秘澀

梅核仁

四十九粒去皮尖

大黃

三兩牡丹皮

一兩七錢半

芒硝

二兩半

冬瓜仁

四兩犀角

鎊一兩半

右判如麻豆大每服五錢水二盞煎至一盞去滓溫

服以利下膿血三兩行為度

大黃湯 治腸癰小腹堅硬腫大如掌而熱按之則痛
其上色或赤或白小便稠數汗出增寒其脈遲緊者
未成膿如脈數則膿已成

大黃剉牡丹皮

硝石

研

芥子

桃仁

湯浸去皮
尖雙仁炒

各半
兩

右剉碎每服五錢水二盞煎至一盞去滓空心溫服
以利下膿血為度未利再服

四聖散

一名神効瓜蒌散

治腸癰癰疽生於腦髀背腋孔便毒

服之神効

生黃瓜蒌

一枚去皮

粉草

四錢研末

沒藥

研末二錢

乳香

研末一錢

右用好紅酒二大椀慢火煎至一椀分作兩服兩日

服盡大便順導惡物妙若乾瓜蒌則用兩枚一方若病在上食後服病在下食前服毒已結成即膿化為水毒未成即於小便中出疾甚再合服以退為度

郭氏瑞効丸

方見腫瘍

雲母膏 治一切癰疽瘡癰折傷等症

蜀椒

去日及開口者微炒

白芷

沒藥

赤芍藥

肉桂

當歸

鹽花

菖蒲

麒麟竭

黃芪

白芨

芎藭

木香

龍膽草

白薇

防風

厚朴

麝香

桔梗

柴胡

松脂

人參

蒼朮

黃芩

乳香

附子

茯苓

良薑

合歡皮

各五

錢硝石

甘草

雲母

各四兩

桑白皮

槐枝

柳枝

柏葉

水銀

以絹另包待膏成以手細彈在上名養膏母

陳皮

各二兩

清油

四十兩

黃丹

二十兩

右除硝石雲母麒麟竭乳香沒藥麝香鹽花黃丹八
味另研外餘藥並細切入油浸七日文火煎以柳枝
不住手攪候匝沸乃下火沸定又上火如此者三次
以藥黑色為度去渣再熬後入丹與八味末仍不住
手以槐柳枝攪滴水中成珠不軟不硬為度磁器收
貯候溫將水銀彈上用時先刮去水銀或服或貼隨
宜用之其功甚大也

排膿散 治腸癰小腹脹痛脈滑數或裏急後重或時

時下血

黃芪

鹽水拌炒

當歸

酒拌

金銀花

白芷

穿山甲

蛤粉炒

防風

連翹

瓜蒌

杵

甘草

各一錢

一作一劑水二鍾

煎八分食前服若膿將盡去穿山甲連翹加當歸
川芎或為末每服三錢食後蜜湯調下亦可

神仙蠟礬丸

治腸癰內托神妙不問老幼皆可服之

無不効最止疼痛不動臟腑

黃蠟

半兩要黃色者
一方用七錢

白礬

一兩要通
明者細研

右鎔化黃蠟和礬為丸如梧桐子大每服二十九漸
加至三十丸食遠用溫白湯送下

胃脘癰素問帝曰人病胃脘癰者診當何如岐伯曰診
此者當候胃脈其脈當沉細沉細者氣逆

甲乙經沉
細作沉溢逆

者人迎甚盛甚盛則熱人迎者胃脈也逆而盛則熱聚
於胃中而不行故胃脘為癰也

病能
篇

薛聖濟總錄云胃脘癰由寒氣隔陽熱聚胃口寒熱不

調故血肉腐壞以氣逆於胃故胃脈沉細以陽氣不得上升故人迎熱盛令人寒熱如瘧身皮甲錯或咳嗽或嘔膿唾血若脈洪數膿成也急排之脈遲緊瘀血也急下之否則其毒內攻腐爛脹胃矣丹溪先生云內疽者因飲食之毒七情之火相鬱而發用射干湯主之愚常以薏苡仁湯牡丹皮散太乙膏選用之亦効若吐膿血飲食少思助胃壯氣為主而佐以前法不可專治其瘡一男子寒熱作渴不時咳吐血內血腥又五日吐膿

身皮甲錯用射干湯四劑膿血已止但氣壅痰多以甘
桔湯而愈 一男子用射干湯之類將愈但氣喘體倦
發熱作渴小便頻數此肺氣不足補中益氣山藥山茱
麥門五味時仲夏更以生脈散代茶飲而愈 一婦人
素食厚味吐膿已愈但小便淋瀝此肺腎氣虛用補中
益氣加麥門五味及加減八味丸而愈若膏粱之人初
起宜用清胃散

射干湯 治胃脘癰人迎脈逆而盛嗽膿血榮衛不流

熱聚胃口成癰

射干

去毛

梔仁

赤茯苓

去皮

升麻

各一兩

赤芍藥

半兩

白朮

半兩

右為末每服五錢水二盞煎至一盞去渣入地黃汁

一合蜜半合再煎溫服不計時候

復元通氣散

精要

治諸氣澁耳聾腹癰便癰瘡疽無頭

止痛消腫

青皮

陳皮

各四兩

甘草

三寸生熟各半

穿山甲

炮

瓜蒌根

各二兩

金銀花

連翹

各一兩

右為細末熱酒調下

芍藥湯

治胃脘積熱結聚為癰

赤芍藥

石膏

犀角

鎊

麥門冬

薺芎

木通

各二兩

朴硝

升麻

玄參

甘草

生各一兩

右㕮咀每服五錢水一盞半煎八分去滓不拘時溫

服

心癰涼血飲

即引兵先鋒方治心肺有熱或作寒熱

口乾好飲水渾身疼腹內作熱頭面赤色

內托散 即前鋒正將方治同上兼用數角洗貼

已潰多服加味十奇散

以上並見
腫瘍門

腎癰八味丸

治腎虛嗜慾過度外挾寒邪發為癰腫

不可施以

涼劑宜服

方見潰
瘍門

加味十奇散

治同上兼用葱白橘葉椒葉猪蹄湯淋

洗仍貼金絲膏

方見前
腫瘍門

證治準繩卷一百五